

中國方志叢書・華中地方・第五四九號

據

宋・施宿撰
民國十五年景印，清嘉慶十三年刊本

影印

浙江省

嘉泰會稽志



成文出版社有限公司印行



10096589

中華民國七十二年三月臺一版

嘉泰會稽志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

嘉慶戊辰重鐫

嘉慶御覽

采鞠軒藏版

序

吾越面半負溟其山鎮曰會稽夏封無餘秦漢置郡晉以為王國宋梁陳於郡置東揚州至隋改曰吳州大業初改越州尋復為郡唐末錢武肅王兼兩藩節制時升為大都督府宋仍為越州南渡後升為紹興府志成於通判施宿在嘉泰元年陸游為之序先是直龍圖閣沈作賓為守郡始纂輯華文閣待制趙不迂實文閣學士袁說友等相繼為之而宿實始終其事用長安河南成都相臺諸志例稱會稽志後二十五年張浚以事物沿革今昔不同彙次嘉泰辛酉後事為會稽續志復於前志有所補正成於寶慶元年兩書為宋志之最向所盛稱顧世少傳本見於著錄者僅許氏鑑止水齋藏有原刻本明正德五年重刊本亦不多見即清嘉慶時采鞠軒本並散播

浸稀及今不圖後將淪亡甚可憫也爰與周君養菴取采鞠軒本影印流傳比年各省風行修志是志體例足資取法固不獨津逮越人源流可溯也夫讀書與藏書異每竟一編實具特識昔李越縵先生究心鄉邦掌故於是志一再研索嘗謂志中有氏族攷閭係鄉里文獻甚鉅且以清流品別僑籍隱寓九品中正之法此意可師又謂志引會稽先賢錄之陳業與三國志虞翻傳注引會稽典錄及水經漸水篇注之陳業並是一人後來府志於孝行引先賢傳之陳業於隱逸引典錄之陳業以為兩人誤矣閱會稽掇英集云唐太守題名記王奉慈永徽二年正月自潭州都督授五年拜泰州都督業此必是勃海王奉慈高祖兄蜀王湛之子也舊唐書隴西王博人傳言奉慈顯慶中為原州都督堯諡曰敬

時代正合惟史文從畧止言其所終之官耳
此記據宋時石刻誤作王奉慈嘉泰志踵
其誤以後諸志遂皆從之老輩讀書精審片
辭足寶增綴於茲備後之修志者有所攷焉
中華民國十五年五月里人王家襄序

會稽志序

昔在夏禹會諸侯於會稽歷三十歲而我

高宗皇帝御龍舟橫海江

應天順動復禹之迹

駐蹕彌年

定中興之業羣盜削平強虜退遁於是用唐幸梁州

故事陞州爲府冠以紀元

大駕既西幸而府遂爲股肱近藩稱東諸侯之首地

望茲視長安之陝洛汴都之陳許所命牧守皆領浙

東安撫使其目丞相執政來與去而拜丞相執政者

會稽志序

不可遽數而又

昭慈聖烈皇后及

永祐以來四陵櫓殿相望於鬱葱佳氣中朝謁之使

轡街轍擊中原未清今天下鉅鎮惟金陵與會稽耳

荆揚梁益潭廣皆莫敢望也則山川圖謀宜其廣載

備書顧未暇及者縣數十年直龍岡閣沈公作賓來

爲守慨然以爲己任而通判府事施君宿發其端安

撫司幹辦公事李君韓君爲之助郡士馮景

中陸子虞王度朱龍永嘉邵持正等相與上參禹貢

下考太史公及歷代史金匱石室之藏旁及爾雅本

草道釋之書碑官野史所傳神林鬼區幽怪恍惚之

說秦漢晉唐以降金石刻歌詩賦詠殘章斷簡靡有

遺者若父老以口相傳不見於文字者亦閒見層出

積勞累月乃成沈公去爲轉運副使猶經營此書不

已華文閣待制趙公不達寶文閣學士袁公說友繼

爲守亦力成之而始終其事者施君也書雖本之圖

經圖經出於

先朝非藩郡所可附益乃用長安河南成都相臺之

比名會稽志會稽爲郡雖遷徙靡常而郡本以山得

名又禹所巡也故卒以名之既成屬游參訂其槩且

會稽志序

爲之序嘉泰元年十二月乙酉中大夫直華文閣致

仕賜紫金魚袋陸游序

會稽志目錄

卷第一

越

會稽郡

越州

紹興府

歷代屬州

歷代屬縣

廢州

廢縣

分野

風俗

州境

城郭

子城

學校學教授直舍

縣學

社

縣社

貢院

古城

牧場

倉廩

府廨

西園

會稽志目錄

一

卷第二

王

都尉

內史

太守

守鄉郡

卷第三

節度使

安撫使

都總督

提刑

提舉

通判

路鈴轄

正副將

都監

三司屬官

職曹官

縣令長

進士

姓氏

軍營軍餉弓兵

倉庫

場務

館驛

衢巷

郵傳

獄

市

堰

閘

斗門

卷第五

貢賦

課利

戶口

雜貢

和買

卷第六

陵寢

濮王園廟

大禹陵

祠廟

芻墓

會稽志目錄

二

卷第七

宮觀

寺院

卷第八

寺院

戒壇

卷第九

山

卷第十

水

湖

隄

池

潭

海潮

卷第十一

泉 井 洞

石 津渡 橋梁

卷第十二

八縣縣境 官廩鎮市場務附

卷第十三

鏡湖 守禦 討賊

平亂 社倉 義田

節序 送迎 義門

園池 古第宅 古器物

漏澤園 義祠

會稽志目錄

三

卷第十四

人物 經學 文章

節義 孝行 隱遁

貞婦烈女

卷第十五

宰輔 侍從 神仙

高僧 伎術

卷第十六

翰墨 碑刻 求遺書

藏書

卷第十七

草不蟲魚鳥獸 藥石神

鹽 日鑄茶 布帛 紙

卷第十八

拾遺

卷第十九

雜紀

卷第二十

古詩文

會稽志目錄

四

會稽志目錄

會稽志卷第一

越

越在唐虞時禹平水土制九州而越爲揚州之域職方氏東南曰揚州其山鎮曰會稽釋云會稽在山陰舊經云塗山在山陰縣西北禹會萬國之所在左傳哀公七年魯大夫曰禹合諸侯於塗山執玉帛者萬國杜預注云塗山在壽春東北說者遂疑塗山非會稽今塗山之名有四會稽壽春之外復有淪州之塗山杜子美賦禹廟詩者文字音義云音塗山占國名夏禹娶之今之宣州當塗縣也杜預獨指壽春之塗

會稽志卷一

一

山爲禹合諸侯之地宜必有據然按史記夏本紀贊曰禹會諸侯江南計功而崩因葬焉命曰會稽會稽者會計也裴駰注引皇覽曰禹冢在山陰會稽山上會稽山本名苗山在縣南去縣七里越傳曰禹到大越上苗山大會計爵有德封有功更名苗山曰會稽家語孔子曰昔禹致羣臣於會稽之山防風氏後至禹殺而戮之其骨專車封禪書曰禹封泰山禪會稽由是論之禹既合諸侯於會稽庸詎知魯大夫所謂塗山非會稽與至夏后氏少康封庶子於會稽以奉守禹之祀文身斷髮披草萊而邑焉後二十餘世至

於允常允常之時與吳王闔閭戰而相怨伐允常卒子句踐立是爲越王舊經云春秋貶之號爲於越案春秋定公五年書於越入吳杜預曰於發聲也西漢書云太伯初奔荊蠻荊蠻歸之號曰句吳顏師古云句吳亦猶於越也太伯至德初無貶詞特從其俗爾公羊云於越者未能以名通也穀梁范氏注云春秋卽其所以自稱者書之然竊有疑焉越於是時猶未預中國會盟未嘗與中國通也經書於越入吳非越自稱明矣豈書於經者乃吳王告同盟之詞與哀公二十一年越人始來二十三年魯始使越據此可知

會稽志卷一

二

且以句踐爲君而種蠡爲臣果未能以名通者乎定公十四年吳伐越越子句踐禦之陳於檣李句踐患吳之整也使死士再禽焉不動使罪人三行屬劍於頸而辭曰二軍有治臣奸旗鼓不敏於君之行前不敢逃刑敢歸死遂自剄也師屬之目越子因而伐之大敗之靈姑浮以戈擊閭閻閭傷將指取其屨屨還卒於陘去檣李七里夫差使人立於庭苟出入必謂已曰夫差而忘越王之殺而父乎則對曰唯不敢忘三年乃報越哀公元年吳王夫差敗越於夫椒報檣李之役也遂入越越子以甲楯五千保會稽使大

夫堙因吳太宰誣以行成吳子將許之伍員曰句踐能親而務施施不失人親不奔勞與我同壤而世爲仇讎姬之衰也日可俟也介在蠻夷而長寇讎以是求伯必不行矣弗聽三月越及吳平吳越春秋謂吳封地百里於越國語曰句踐之地南至句無今諸暨有北至於禦兒今嘉興有禦兒鄉西漢功亭臣表兩粵傳有語兒侯東至於鄞西至於姑蔑今太末地也廣運百里句踐乃與范蠡深謀二十餘年竟滅吳報會稽之耻北渡兵於淮以臨齊晉號令中國以尊周室致貢於周周元王使人賜句踐胙命爲伯諸侯畢賀乃徙都琅邪漢書地理志

會稽志卷一

三

云琅邪越王句踐嘗治此起館臺有四時祠吳越春秋亦云越王於此起觀臺周七里以望東海句踐卒子王鼫與立王鼫與卒子王不壽立王不壽卒子王翁立王翁卒子王翳立王翳遜國逃於巫山之穴越人薰而出之王翳遜國之賢君蓋吳太伯之儔也王翳卒子王之侯立王之侯卒子王無疆立案此句踐至無疆寔六世舊經云五世者誤也王無疆時與師北伐齊西伐楚與中國爭疆當楚威王之時越北伐齊齊威王使人說越王於是越遂釋齊而伐楚楚威王與兵而伐之大敗越殺王無疆盡取故吳地至浙

江北破齊徐州而越以此散諸族子爭立或爲王或爲君濱於江南海上服朝於楚後七世至閔君搖佐諸侯平秦漢高帝復以搖爲越王以奉越後東越閔君皆其後也

會稽郡

秦始皇二十五年大興兵使王翳遂定荆江南地降越君置會稽郡治吳二十六年初并天下用廷尉李斯議分天下以爲三十六郡郡置守尉監郡守掌治其郡有丞尉掌佐守典武職甲卒監御史掌監郡漢興高皇帝六年以其地封劉賈爲荆王黥布反荆王

會稽志卷一

四

賈死之無後十二年封劉濞爲吳王王三郡五十三城孝景帝四年吳王濞反誅乃復爲會稽郡越絕外傳曰漢孝景五年會稽屬漢屬漢者始并之也舊經云後復屬江都國江都王建有罪國除乃更爲郡案漢書地理志廣陵國注江都易王非廣陵厲王胥皆都此并得鄞郡而不得吳劉貢父云然則會稽不得云屬江都也吳朱育以強記稱且距漢未遠仕本郡門下書佐太守濮陽典問漢封諸侯事而育所對亦止言劉賈爲荆王濞爲吳王濞誅乃復爲郡治於吳亦不及屬江都事也前漢志領縣二十六後漢順帝

永建四年分浙江以東十四縣爲會稽郡治山陰東晉爲會稽國改太守爲內史宋武帝永初二年罷會稽郡府復爲會稽郡齊梁陳因之隋爲吳州改越州武德四年爲會稽郡依漢制置太守以司隸刺史相統治唐武德四年爲越州天寶元年復爲會稽郡乾元元年復改爲越州

越州

越州隋大業置古會稽郡也因國爲名置刺史焉按漢武帝紀元封五年初置刺史部十三州顏師古曰漢舊儀云初分十三州假刺史印綬有常治所以秋

會稽志卷一

五

分行部所察六條秩六百石於是乃復禹貢九州之名而增以周之幽并與漢所開之朔方交趾以爲十三州也會稽自昔常隸揚州晉王羲之爲會稽內史王述爲揚州牧檢校郡事羲之恥之求分會稽爲越州不果遂稱疾去郡晉墓終身不仕其後至隋而會稽卒爲越州蓋本於此宋齊梁陳會稽自爲東揚州刺史不復受察於揚州雖寢異古制然猶未至盡廢刺史之職或以刺史行太守事如日東揚州刺史領會稽太守是也隋制舊有兵處刺史帶諸軍事以統之如日都督會稽等郡諸軍事是也或加使持節隋

唐而降支郡皆稱刺史但領一州而以州統縣與他州等故又於此置總管府以統其屬州隋文帝初平江南改曰吳州大業中遂改爲越州尋罷州置郡以刺史十四人巡察畿外諸郡所察六條略如漢制唐武德四年復爲越州置總管領州如故未久改總管爲都督自是改更不常郡則曰太守州則曰刺史其實一也至乾元元年遂爲越州大抵越州其實與會稽郡同非復如漢十三州之重刺史亦非復古之部刺史但以總管都督踰制一道爾

紹興府

會稽志卷一

六

建炎三年十月庚申 御樓船渡浙江壬辰 幸越州車駕自杭州巡幸 御樓船渡浙江壬辰 幸越州四年四月癸未 御舟自溫台回 駐蹕越州明年正月一日改元紹興越州官吏軍民僧道上表乞賜府額昔唐德宗以興元元年巡幸梁州改梁州爲興元府於是 朝廷用興元故事改越州爲紹興府初 車駕幸揚州 駐蹕逾年又嘗經郊祀然未嘗建爲府則紹興蓋 特恩也 車駕旣 移蹕臨安首命前叅知政事資政殿學士

張守知府事故守謝到任表曰矧是肇新府號久駐
蹕聲履句踐之故棲鳳當麗砣戈之志想神禹之遺
迹服卑宮菲食之勞又謝賜行宮充本府治所表
曰廣廈千間已免震凌之患土階三尺尙存簡素之
風皆言

上駐蹕之久而官室無所增葺也浙東提點刑獄會
輿舊爲史官見日歷所書紹興二年正月

車駕移蹕臨安閏四月戊戌

詔紹興府

行宮復作府治

會稽志卷一

七

上曰時方艱難若不賜與則須別建賜之所以寬民
力也州額初題越州大都督府既賜府額當題云紹
興大都督府而右朝奉大夫吳說乃題云大都督紹
興府議者或非之

歷代屬州

會稽郡自漢順帝時還治山陰其所領山陰鄞烏傷
餘暨諸暨太末上虞剡餘姚句章鄞章安永寧東侯
官猶十四縣其地南踰閩越西限浙江東北至海而
止提封數千里粵自秦漢常爲都會晉渡江後三吳之豪請都會稽
雖不果亦足見當是時會稽最號富實常爲本根之地故諸葛恢爲會稽帝謂曰今之會稽昔之閩中也

宋書史臣曰江左以來根本於揚越又云會土帶海
衛湖良嘯數十萬頃膏腴上地畝直一金郭杜之同
不能比也又袁宏漢紀許子將曰會稽富實軍之所
食以此論之會稽自古以富實名者徒以鏡湖之利
也今民盜湖爲田漸廢養蠶案晉宋間謂會稽爲會
土三國志謂吳郡會稽爲吳會二郡張紘謂吳會
會則制揚可一孫資傳云策已平吳會二郡朱鱣傳
云部伍吳會二郡是也前漢有讀會字爲郡會之會
或者以爲不然今姑蘇後漢末孫策略平江左渡浙
有吳會館蓋承其誤

江自領會稽太守策卒曹操又表其弟權爲會稽太

守以統江左諸郡三國志云策渡浙江以其屬吳景

輔爲廬陵太守朱治爲吳郡太守孫資爲豫章太守孫

守是也孫權謂虞翻曰孤有征討事未得還府卿後

以功會稽爲吾蕭興平四年策乃分章安永寧之地置

會稽志卷一

八

松楊縣吳錄云取松又置始平縣改章安曰羅陽縣

至吳孫亮太平二年又置臨海縣立會稽東部爲臨

海郡以臨海始平松楊羅陽四縣屬焉於是會稽始

有屬郡初後漢建安中孫氏分東侯官之地立邑卽

以年號爲名曰建安縣據續通典云孫策建安十三年立案是時策已死又

置南平漢興二縣以屬會稽南部都尉至孫休永安

三年遂割會稽南部爲建安郡孫皓寶鼎元年又以

漢末以來分烏傷太末之地所立新安豐安長山吳

寧遂昌永康定陽并烏傷太末凡九縣置東陽郡至

晉又分臨海郡之松楊羅陽東陽郡之遂昌凡三縣

立永嘉郡乃今處州晉既平吳立東侯官爲晉安郡分

揚州東晉以會稽郡爲王國併兼揚州宋永初二年正月罷會稽郡府遂復爲郡孝建元年立爲東揚州統會稽東陽新安臨海永嘉五郡大明三年以揚州所統六郡爲王畿而東揚州直爲揚州以豫章王子尚爲刺史加郡督八年冬復以王畿諸郡爲揚州而會稽還爲東揚州統郡如故永光元年秋八月始改是年爲景和元年東揚州併揚州梁普通六年復以會稽東陽新安臨海永嘉五郡及建安晉安二郡立東揚州大寶二年湘東王繹承制以陳霸先爲都督會稽東陽新安臨海永嘉五郡諸軍事東揚州刺史

會稽志卷一

九

領會稽太守承聖三年以陳蒨都督會稽十郡諸軍事會稽太守陳永定三年改永嘉郡爲緡州尋省東揚州併屬揚州又分建安晉安二郡權立閩州天嘉元年以徐度爲使持節都督會稽東陽臨海永嘉新安新寧信安建安晉安九郡諸軍事鎮東將軍會稽太守天嘉三年侯安都破雷異東陽平六月以會稽東陽臨海永嘉新安新寧晉安建安八郡置東揚州以揚州刺史始興王伯茂爲鎮東將軍東揚州刺史光大二年割東揚州晉安郡爲豐州隋開皇九年平陳改東揚州曰吳州置總管府煬帝大業元年正月

廢諸州總管府尋改吳州爲越州改東陽郡爲婺州又改永嘉郡爲處州尋改爲括州而廢臨海郡大業三年四月壬辰改州爲郡越州曰會稽郡婺州曰東陽郡括州曰永嘉郡唐武德四年平李子通改會稽郡爲越州置總管府改東陽郡爲婺州永嘉郡爲括州復故臨海郡爲海州復故建安郡爲建州又以剡縣立嵊州并析置剡城縣析故句章縣地置姚州鄞州以烏傷縣地爲緡縣置綱州并析置華川縣析信安縣置衢州以龍丘縣地置穀州并析置白石縣以緡雲縣地置麗州以松楊縣置松州以桐廬分水建

會稽志卷一

十

德三縣置嚴州五年以永嘉縣置東嘉州并析置永嘉安固橫陽樂成四縣屬焉是歲改海州爲台州七年總管爲都督府廢姚州入餘姚縣來屬廢綱州入烏傷縣更名義烏屬婺州廢嚴州以桐廬縣屬睦州八年廢鄞州以鄞縣來屬廢穀州以白石縣入信安縣廢麗州爲永康縣屬婺州廢松州爲松陽縣貞觀元年廢東嘉州省橫陽永寧二縣以永嘉安固二縣併隸括州廢嵊州以剡縣來屬是歲始命併省分天下爲十道越州督越婺泉建台括六州隸江南道高宗上元二年又分括州之永嘉安固兩縣置温州

垂拱二年又析婺州之常山信安龍丘復置衢州景雲二年分天下爲二十四都督府以統其屬州越州所督不滿十州定爲中都督府既而以其權重皆罷之開元二十一年分隸江南東道開元二十六年採訪使齊澣奏割鄭縣置明州天寶元年改越州爲會稽郡温州爲永嘉郡而括州爲縉雲郡台州爲臨海郡明州爲餘姚郡建州爲建安郡衢州爲信安郡乾元元年復改會稽郡爲越州縉雲郡爲括州信安郡爲衢州永嘉郡爲温州餘姚郡爲明州東陽郡爲婺州臨海郡爲台州新定郡爲睦州領越睦衢婺台明

會稽志卷一

十二

處溫八州治越州隸浙江東道大歷十四年廢浙江東道建中元年復置二年復廢貞元三年復置浙江東道領越婺台明衢處溫七州而睦州隸浙江西道皇朝因之紹興元年升爲紹興府所領州如故

歷代屬縣

前漢志會稽郡治吳領縣二十六吳曲阿烏傷毗陵餘暨陽羨諸暨無錫山陰丹徒餘姚婁上虞海鹽剡由拳太末烏程句章餘杭鄞錢塘鄞富春治回浦舊經云光武改回浦曰章安以治立東候官分章安立永寧縣通典云永嘉本漢治縣地後漢改爲章安續

通典云漢書東甌舉國內徙乃以其地爲回浦縣屬會稽郡後更名章安又以章安之東甌鄉爲永寧縣隋爲永嘉縣初西漢以粵反覆險阻爲後世患遷其民江淮遂虛其地後有通逃山谷者稍出立爲治縣顏師古注云越後又名爲東治縣後漢光武時又曰東候官今閩縣是也言東以別共西如閩縣居候官之東故曰東候官以此又知候官之名已久治之地不一後因其名以爲縣也一云秦立胡侯之官於此故名通典云後漢分治地爲會稽東南二郡都尉此爲南部都尉東部今臨海是也大抵南至晉安東至

會稽志卷一

十三

章安皆治縣地詳而言之則閩越爲治而東甌爲回浦原其本皆粵地也順帝永建四年陽羨人一作美令周嘉上書以吳越一國周旋一萬一千里以浙江山川險絕求得分置遂分浙江以西爲吳郡以東爲會稽郡三國志吳朱育云永建四年都府君上書以浙江之北爲吳郡會稽還治山陰舊經云領山陰鄞烏傷餘暨諸暨太末上虞剡餘姚句章鄞章安永寧東候官十四縣治山陰又分上虞南鄉爲始寧縣初平三年分太末縣置新安縣分烏傷南鄉爲長山縣興平二年分諸暨之大門村爲漢寧縣又分章安之南鄉爲松楊縣建安四年孫氏分太末立

豐安縣又分信安立定陽縣建安二十三年分太末立平昌縣晉志曰吳分永寧立南始平縣今之天台又分

烏傷之上浦為永康縣分章安立臨海縣改章安為

羅陽縣餘暨曰永興縣漢寧曰吳寧縣吳少帝太平

二年以會稽東部為臨海郡分臨海南始平松楊羅

陽四縣屬焉續通典云孫策於建安十二年分東侯

官之地立邑即以年號為名曰建安縣屬會稽南部

都尉三國志云永安三年以會稽南部為建安郡而

縣為屬孫皓寶鼎元年分會稽為東陽郡以烏傷太

末新安豐安長山吳寧平昌永康定陽九縣屬焉而

會稽志卷一

五

會稽領山陰永興諸暨上虞餘姚句章始寧剡鄞

十縣晉地道志宋州郡志領縣皆十隋平陳廢山陰

永興上虞始寧為會稽縣併餘姚鄞入句章縣及

剡諸暨統縣四唐武德四年以剡置嵊州并析置剡

城縣析句章之餘姚置姚州析句章之鄞置鄞州七

年輔公祚平廢姚州以餘姚縣來屬析會稽立山陰

縣八年廢鄞州為鄞縣嵊州為剡縣並來屬省山陰

縣復入會稽凡統縣五垂拱二年復置山陰縣儀鳳

二年復置永興縣開元二十六年割鄞縣置明州天

寶元年改永興為蕭山縣大歷二年因刺史薛兼訓

之奏省山陰縣七年刺史陳少游復奏置焉貞元元

年刺史王密奏置上虞縣元和十年又省山陰入會

稽縣十年後置梁開平中錢鏐析剡縣立新昌縣

皇朝因之領會稽山陰蕭山諸暨上虞餘姚剡新昌

八縣宣和三年方臘既平七月丁卯

詔越州剡縣改名嵊縣與睦州改嚴州欽州改徽州

及睦州青溪縣改淳安衢州龍游縣改盈川皆同時

也

廢州

會稽郡漢領縣二十六至漢末六朝而降析會稽所

會稽志卷一

六

隸縣為郡今為州軍二十四會稽一郡獨領漢故縣

餘暨諸暨山陰餘姚上虞剡凡六亦可謂盛矣至唐

初以州境獨大於它州故析剡縣為剡城縣立嵊州

析餘姚縣為姚州武德七年廢姚州復以餘姚縣來

屬貞觀元年廢嵊州復以剡縣來屬

廢縣

漢順帝時分上虞南鄉為始寧縣隋平陳廢興平二

年分諸暨大門村為漢寧縣吳改為吳寧縣寶鼎元

年割隸東陽郡後復併入諸暨今縣有大門里武云

即其地也唐武德四年析剡為剡城縣武德七年廢

入刻縣乾道八年分諸暨之楓橋鎮爲義安縣淳熙元年廢入諸暨縣初戶部侍郎方公滋以吏事著一時典藩數十年所至有聲結其置縣雖承史蔣二公之後然卒成之者方公也亦嘗爲客言析縣之利它日當愈見不可復併矣然會未幾時遂爲後守所撤取官署等以建僧寺人頗議之至或謂有大姓居邑中方爲鎮時擅事權握利柄役服小民無敢與較故大不利於建縣云

分野

會稽禹貢揚州之城周禮保章氏以星土辨九州之

會稽志卷一

主

地所封域皆有分星以視吉凶星紀吳越也漢書地理志曰吳地斗分野也今之會稽九江丹陽豫章廬江廣陵六安臨淮郡盡吳分也又云粵地牽牛婺女之分野也其君禹後帝少康之庶子封於會稽虞翻曰會稽上應牽牛之宿當少陽之位東漸巨海西通五湖南暢無垠北瀝浙江南山攸居實爲州鎮是也然左傳哀公元年吳伍員曰句踐與我同壤吳越春秋吳王夫差亦曰越之與吳同土連域然則吳越同壤其來尙矣案晉書天文志曰自南斗十二度至須女七度爲星紀於辰爲丑吳越分曰揚州而會稽

入牛一度春秋元命包曰牽牛流爲揚州分爲越國左傳昭公三十二年夏吳伐越史墨曰不及四十年越其有吳乎越得歲而吳伐之必受其凶漢永嘉中歲星熒惑太白聚牛女之閒識者以爲吳越之分其後孫策孫權寔有江左晉太元間符堅將入寇石越對曰今歲在吳分天道不順已而堅果敗去及陳叔寶將亡有星孛於牽牛以此攷之則斗牛之分吳越同之班固別而言之恐亦未然

風俗

會稽自夏禹巡守會諸侯方是時會不於嶽而於會

會稽志卷一

去

稽則會稽風俗山川之美固可見矣少康之子封於會稽蓋禹之五世孫也夏都平陽少康中興盛王其封子不於近甸而於會稽則會稽爲當時重地美俗又愈可見故其民至今勤於身儉於家奉祭祀力溝洫乃有禹之遺風焉粵自漢晉奇偉光明碩大之士固已繼出東晉都建康一時名勝自王謝諸人在會稽者爲多以會稽諸山爲東山以渡瀟江而東爲入東居會稽爲在東去而復歸爲還東文物可謂盛矣宋興杜正獻趙清獻繼起全名大節著在國史顧內相陸左丞與弟祠部以儒術重姚待制以孝行著陳